

福建叢書 第一輯之十

福建省文史研究館編

明·閩縣
周之夔撰

棄
草
集

(三)



福建叢書 第一輯之十

福建省文史研究館編

明·閩縣
周之夔撰

棄草集

江蘇廣陵古籍刻印社

弃 草 集

(明) 周之羹 撰

江苏广陵古籍刻印社 出版发行

扬州市凤凰桥 24—6 号

金坛市古籍精装印务有限公司印装

开本：850 × 1168 1/32 印张：50

1997 年 3 月第一版 1997 年 3 月第一次印刷

印数：1—350

广陵编号：97XZ · 199 定价：（精装 3 册）220 元

棄草文集卷之七目錄

文

祭譚凡同老師文

公奠左蒼巖先生文

祭戶部郎中陳元凱先生文

祭雙泉叔祖文

祭林國夫文

祭鄧汝廣社兄文

祭蓬萊令王文和先生年伯文

代陳門諸壻祭林孺人文

代陳門諸壻祭陳孝子端明文

祭吳門妹文

祭鄭文岳會伯文

祭王支提學憲先生文

祭故銀臺林榕江先生暨子林彤雲先生墓

杉陽奠陳昇真業師文

祭董達泉師叔姻外祖文

祭太常卿洪桂渚文

禱雨告城隍牒文

錢侯入祠告文

五

二

不

棄草文集卷之七

祭譚凡同老師文

嗚呼我師嶽嶽爲天篤生渙文績瀾頤水包貞壩
本肇末躡蹠繇庚天衷人極天鏡人衡存雄襟直
抱雌守清望古遙集展也大成凡今之學暖昧卷
婁守缺保殘護枯黨腐角馬童牛不今不古師起
其衰準繩規矩凡今之仕滅麋銘輔曹腹睽天飛
言如雨罄折之腰壽其文組師絕其群棖桷梁柱

三爲循良聞望珪璋南北兵曹師干紀綱粵西典
棘譽髦簸揚逮衡我閩我閩大匡箝鍵挈挈徑熟
道荒得師震蟄文妖遁藏良士瞿瞿夜行幽裝得
師羽肉高岡朝陽與茶有守辭于盧首異形離奇
名實玄紐旣塞其塗旣局其牖金心在中匪防其
口鴻漸于逵魚麗于雷匪兇匪虎可以出走井渫
雉膏熟任其咎視彼通人蠅營狗苟登萊之藪猷
養苗時聚毒于箠匪茹奴夷成山礁石艮觶脆疲

皮島援絕大師孤危貪人敗類債轅裂資天蓋壞
之師蓋支之旅順不戒鯨奔駃駃踈戰控扼如熊
如羆帝嘉乃勲謂爽朕師允文允武孔戡孔耆
維彼朋家朝濟薈蔚餘敗爲功孩養斷荆哀鴻罄
罄小狐汔汔蚺黃疑金白蜺嬰弗王事靡盬鞞琫
鞞韞心之憂矣侏侏伊鬱泰山巍峩濟水滂沸孤
忠煌煌餘勇伋伋生爲名世沒爲明神道掩前哲
壽踰中身罄宜戡穀利其嗣人驚停鵠峙虎踞豹

蹲握機蹈杼織成經綸稱其家世唐李漢荀號其
才子高陽高辛維師如龍變化超忽靈雨靈風聖
日聖月凡所經行蔽棠蔭樾况乃薪樵尤多閩粵
夔等俱托藥籠得乘津筏或鼓後勁或憫屢蹶冥
駁冒晬磨肌刻骨聞訃於途聚哭於閩西州之慟
何時可歇詞杼悲酸芬薦醅醇嗚呼哀哉尚饗

公奠左蒼嶼先生文

代京都諸公

嗚呼歲在龍蛇百六陽九笄日無光見沫見斗闌
踞虎狼國喉瘞狗甘人如飴敦肱血拇群飛蔽天
吮舐恐後首嬰其鋒師與楊公諤諤其舌蹇蹇匪
躬誓清帝側以廓王聰敢曰必克實仗至忠幾之
弗密臣身乃失櫟嶙出毒檻獸斯逸禍成于井誅
成于質王鈇倒營銜轡詭軼維師與楊勁骨剛腸
剝膚敲髓楚毒畢嘗竟死不屈日月爭光鍛翮鸞

鳳次及鵲鵲縉紳仰息社稷幾亾而師精英日在
天上訴于昊穹淫威震蕩首出 新皇手握大象
掃除欃槍如運諸掌妖魄旣夷忠魂是獎招以巫
陽冥默馨饗吁嗟我師天壤必支不負生平及于
捐糜師之旣歿群小嘻嘻呼孫稱子頌德建祠匪
師植節孰莫民彘匪天助順孰告帝期漢闡播虐
鉤黨考索誅召外兵國祚隨薄今我 聖皇獨運
神畧舉愷誅凶邦國晏若師在冥冥當倍踴躍昔

之忠貞姓字已遙椒山青霞著在我朝方其烈烈
不保首腰踰二三紀其冤始昭師歿三載逆燄旋
消帝心憫惻照耀雲霄維師如矢激揚風紀凡在
及門盡天下士某等櫟樗亦備桃李方變之殷莫
克從死將以有爲報德無已寒暑推移負疚心知
三代之英百世之師茲值吐氣萬口一辭普天同
痛吾黨奚私跪薦蘋藻泣血漣漣嗚呼哀哉尚饗

三

四

五

祭戶部郎中陳元凱先生文

嗚呼昔子瞻之祭歐陽少師也有曰上以爲天下
慟而下以哭其私斯言之痛今始見之惟君穉齡
權奇滅沒大器晚成碩實徐發鳳麟一出彩奪日
月洪鐘吐音渾鏗震越人慶見聞耳目超忽君守
以謙不矜不伐涵深演迤如鼓溟渤爰自筮初讓
臚辭餘侯明捷記誨胃勤渠才兼稷契帝簡儲胥
維漢中葉鹽鐵軺車君秉廉仁民困以紓在染彌

淡暫復退居淵明嗜酒足疾籃輿公理謝客閉戶
著書公兼其癖孰測所如時艱未息公疾弗除痼
瘵之迫名世告徂途哀巷哭謂天祝予憶昔尊君
先人蘭臭幼壯不携仕隱克究有不吾如生死左
右留都觸忌割榮分疚往嬰其鋒同歸白首哀哉
上仁僅得中壽君於先人再世不謬夙惠期君竟
覲厥就夔亦載筆備牛馬走雖復雲泥君心則舊
不謂三載凶聞先後君之存亡乃關宇宙而我私